



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCLXXVI. Curd Güstebiese schwört dem Hochmeister und dem Vogte der Neumark Urfehde und verzichtet auf alle seine Güter, am 6. Juli 1449.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCLXXVI. Gurd Gūstebiese schwört dem Hochmeister und dem Vogte der Neumark Urfehde und verzichtet auf alle seine Güter, am 6. Juli 1449.

Vor allen, de dissen briff sehen edder horen lesen, Befunderen vorgebrocht werd, Welkes stades edder welandes de syn, Bekenne Ik Conradt Gūstebiese apenbar, dat ik eyne vulkameene Orfeyde gelauet vnde gefwaren hebbe myt vpgereckeden vyngeren vngedwungen vnde vngedrungen vnde Jegenwordichliken In Crafft vnde maght disses breues laue, Ja segge vnde swere Deme gar Ernwerdigen heren, heren Conradt van Erlichshufen, hoemeistere dutsches ordens, alle synen Nakamelingen vnde deme Erfamen heren, Ern Hansen van Tobeneck, vagede der Nien Marcke vnde alle synen nakamelingen, mynen gnedighen leuen herren vnde deme gantzen dutzschen Orden, Also dat Ik, myne eruen vnde frunde, gebaren vnde vngebaren, De ergnanten herren vnde eren gantzen orden Ere land, vnderlaten vnde alle de eren nummer willen edder scholen schaden effte argen, Beschedigen noch feyden to ewygen tyden edder schaffen, dat ere lande edder de eren Beschediget scholen werden mit worden edder mit werken In Nynerley wise vnde ok mit geistlikem edder werntlikem rechten angelanget vmme der sake willen, my de ergnanten heren In eren senknissen vnde benden gehat hebben, vnde al de Jenen, de dar Inne vordacht syn edder vordacht mochten werden, se syn geistlik edder werntlik, In welkeme stade edder werden de syn, vnde all de Jenen, de Radt edder dabet an der senknisse gehat hebben. Hir mit so vortyge ik my vor myne Eruen vnde frunden, id sy frowe effte man, gebaren vnde vngebaren, Aller guder, de ik vnde myn Broder beseten vnde In der Nien Marcke In der were gehat hebben, de von den olden gūstebysen an vns gekamen synt vnde wo se an vns gekamen synt. Dar ihu vortyge ik my aller varenden haue, geredes vnde schulde, de my vnde mynem Bruder de Erfame heren, Ern Jorgen van Egloffstein, itzund vaged to der lype, genamen hefft vnde nemen hefft lathen, id sy cleyn effte grot, nictes nicht vthgenamen. Ok so wil edder schal ik myt mynen eruen vnde frunden, gebaren vnde vngebaren, vns nynerleyge bryue Jegen de iregedochten heren vnde eren Orden, de eren edder Jegen de Jenen, als vor beruret is, Id weren Instrumente, vidimus edder transumpta, wo se alle heyten vnde genennet mochten werden, gebuken scholen noch willen, de vns Jegen sy, de eren vnde de dar Inne vordacht syn edder vordacht mochten werden, dynen edder to hulpe kamen mochten, van weme ik Conradt de breue mit mynen eruen vnde frunden, gebaren vnde vngebaren, krygen, sorderen edder dirweruen mochte, Befunder de alle scholen In Crafft disses breues gedodet, gedelget, Crafftlos vnde vnmechtich syn In geistliken vnde werntliken gerichtten vnde vor alsweme. Worde Ik Conradt gūstebise vorgevant, myne eruen vnde frunde brok hir anne syn vnde vns geistlikes edder werntlikes rechtes bruken wolden, So wil vnde schal ik mit mynen eruen vnde Borgen hirnagescreuen thunoran den vorgedochten heren hoemeister, vaged der Nyen Marcke, vnde alle ere Nakamelinge schadelos dar anne beholden. Ok schal disse bewillinge des geistliken vnde werntliken rechten vnschedelik syn, als de van worde to worde bauen vnde benedden Inholt disse breff vnde vthwiset. Wert ok sake, dat de irgenanten myne heren hir namals dirvoren eddir dirvaren kunden, dat ik my myt mynen eruen vnde frunden geistlikes rechtes edder werntlikes Jegen disse vorgescruen stücke vnde Orfeyde setten vnde dar Jegen don worde vnde myn Redlik antworde hadde, So scholen my myne Borgen hir nagescreuen to lanfberge In de senknisse wedder stellen, dar se my vthgebrocht hebben, sunder Jennigerleye hulperede. Hir mit scholen alle saken vnde schelinge, De ik Conradt gūste-

byfe vorgeant mit mynen eruen to deme irgenanten heren hoemeifter, Vagede der Nien Marcke, eren Nakamelingen Edder to deme gantzen Ordene gehat hebbe, gedodet, gedelget vnde to eynem gantzen ende dirfcheyden fyn. Dat diffe orfeyde alle ftucke, puncte vnde articule eyn Illik befunder, So als bauen bernet is, gensliken fiede vnde vaft by guden truwen louen vnde eren fchollen gehalten werden, ane alle argelyft, wedderrede vnde Nye Invunde; Dar vor laue wy hir nagefereuenen Borgen mit vnfen eruen, gebaren vnde vngebaren, vnde mit eyner rechten vorfolgenden famenden hant, Als mit namen Otte van der Marwitz to Nien Santoch, Jacob van der Buke, Henningk Swartenholt, Dederik Morner to Cloffow, Hans Brederlo to dertzow, hans Brederlo thu kurtftorp, vlrik van Scheninge to kurtftorp, Hinrik Sidowe to hanfberge, kune dubberchow to lytzegorke. Alle fchade de deme vilgenanten heren hoemeifter, vagede der Nien Marke vor vthgefpraken vnde deme gantzen dutzſchen Orden dar van entftan worde, dar wille wy fe fchadelos anne holden vnde en des benemen. To Orkund vnde ewig gedechniffe hebbe Ik Curd guftebife myn Ingefelgel als eyn houetman vnde wy Borgen vorgeant vnfe Ingefegele eyn Illik dat fyne mit willen vnde wolbedochten mude an diffen apenen brieff laten henghen. Gegenen vnde gefereuen to deme Soldin, ame Sundage poft vilitacionis marie, Na der bort chrifti vnſes heren Ime vierteyghenhunderften vnde Negen vnde verigeften Jare.

Nach dem Originale des Königsberger Stadtarchives No. 233.

CCLXXVII. Nidel von Ellingen verkauft dem Heinrich von Sydow wiederkäuflich seine Burg (zu Königsberg?), am 1. Februar 1450.

Vor alle di jennen, den dyffe brif vorkomt, fo bokenne jk nykkel von ellynghen myt mynen rechten eruen, dat jk myt wolbodachtem mode hebbe vorkoft hynryk van fydown vnde fynen rechten eruen de borch vp mineme houe myt der grunt, myt deme tüne von deme ort ſtyle to nykkels hufe vort vmme tho teyde bet na der ſtraten bet an hynrykkes hof, ok boſcheyden van deme ort ſtyle by der porten vp de rechten hant, alfeme yn de porte gheyd na deme ort ſtyle na hynrykkes hufe, allent dor bynnen is boſcheyden in deme kope, vor LXXXVIII mark penningghe ghege vnde gheue in der nyghen marke, dede my nykkel van ellynge vnde myner eruen frome ghekomen ſynt vnde tho eyneme wedderkope. Dyffe werderkop ſchal ſchen vp den negheften palme dach tho komende. Were dat jk nykkel van ellynghen dyffe LXXXVIII mark nycht boreydede vp den vorbonomeden palme dacht hynryk van fydown edder fynen eruen, fo ſchal hynryk van fydown vnde fyne eruen dee borch boholden myt der grunt, myt deme tüne, alfo vorbenomet is, tho eyneme dod koſten kope vnde jk nykkel van ellynghen wil hynrykke des eyne were weſen, alfo jk to rechte ſchal. Ouer dyſſeme kope is ghewefet Jorgan van wedel, laurens van fydown, Jacob ſwartenholt. Des tho mer howarynghe vnde tuchniſſe, fo hebbe jk nikkell van ellynge myt wiſſchop laten myn ingheſeghel laten henghen vnde drukken boneden an dyſſen open bryf, de ghegheuen vnde ſcreuen is